

عدد — ۶۰

امور اداره و تحریریه و اعلانات و ساثره
ایچون مدیر مسئوله مراجعت ایدالمیدر.

صرفای امتک مقالات منصوفانه لرینه
جریده صوفیه تک حیفه لری
آچقیدر .

جریده صوفیه

شیمدیلاک هفته ده بر نشر اولنور .

نسخه سی ۴۰ پاره در

ابونه سی : بر سنه لك اعتباريله ممالك
عثمانیه ایچون ۴۰ آتی آبلانی ۲۵ فروش
وممالك اجنبیه ایچون اون ایکی فرانقدر

محل اداره باب عالی جوارنده ابوالسعود
جاده سنده نجم استقبال مطبعه سی

تصوفی ، دینی ، اخلاقی ، سیاسی جریده اسلامیه در

فلسفہ

رؤیہ اللہ جائز میدر

فرق مخالفۃ اسلامیہ نك رأى واجتهاد لرینه رغمآ مكان وزماندن ،
وجهات واحاطه دن ، وقوه باصره ونور عینك اتصال ومقابلہ سندن
وقرب وبعد وكیفیت وكیمیت ملاحظہ سندن قطع نظرله ، چونكه بونلر
لوازم بشریہ مقتضیاتی اولوب جسمانیته عائددر ، رؤیت بارینك جواز نه
دلائل وبراہین نقلیہ ك موجودیتہ قارشوامتناع عقلینك بایدار اولہ میہ چی
ارباب تحقیق عنندنہ مسلمدر لیكن شوقدر واركه ماہیت رؤیتك ادراكی ،
طور عقلك ساوراسی اولان طور نبوتك لوازم موہوبہ سندن بولندی
جهتله ارباب ذوق وشہودك وجدانندہ حاصل اولان معارف الہیہ
سابہ سندنہ ادراك ایدہ بیله جكارى علم غیبیدن او نعمت عظمای رؤیتہ
استدلال ایدیلہ بیاور چونكه رؤیت بشقہ ، اهل مكاشفہ نك مشاہدہ
تعبیر بیوردینی مقام ذوق ومعنائینہ بشقہ در .

رؤیتك جواز نه فی محترم افندم نك حدیث مشہور بلہ برابرہ وجوہ
یومئذ ناضرة الى ربها ناظرہ ، نظام جلیلی دلیل وشاہد عادلدر .

فقط جناب موسی علیہ السلامك طلب رؤیتنی ناطق اولان آیت
جاییلہ دن بشقہ دلیل ارامہ لزوم یوقدر اعتقادندہ می چونكه حضرت
موسی الکلیم کی شان عظیم صاحبی بر پیغمبرك جائز اولمیان بر مسئلہ
تمنی محالہ جرأت ایتمش اولسی ممکن اولہ من .

« رب انی » تمنیستہ قارشو « ان ترانی » جوابی رد مطلق صورتنده
وقوعبولماشدر بلکہ رؤیتك وقوعی جبل طورك استقرار نہ مشروط
بیوریلور . اولہ ایسہ جبلی استقرار ونعمت رؤیتی استمرار ایتدیرمك
حقہ قارشو کوچ دكادر لیكن علم ازلیسنك مقتضای اولہرق او جبلك
استقراری رؤیتك حین وقوعنك ورود ولعنینہ واسباب رؤیتك حصول
وكالنك رائی متخصصده ظہورینہ وابستہ اولدینی آیت جلیلہ ده کی اشارت
معنویہ دن اربابینہ نمایاندر

نصایك آیت جلیلہ ده « جملہ دكآ » بیوریلور بو اخبار جاییل ایلہ
« كان الحیل دكآ » تعبیری بیننده کی فرق بك واضح كورنیور جبلی دك
ایدن مادامك كندیسیدر آكا استقرار ویرمكده بنہ ید قدرندنہ در .

مرحالہ « ان ترانی » نفیی تعقیب ایدن بیانات شرطینك ضمنندہ رؤیت
حقك جوازی هویدادر . شو حالده جناب موسی محالی دكل بلکہ بیله
بیله جازی تمنی ایتدی شوقدر واركه كال عشق واستغراقده طلب رؤیتی
استمجال بیورمش اولیورلر .

میزان العرفاندر برقاج معسراع .

دل موسای عشقہ « لن ترانی » عین رؤیتدر

کایم اولان ادنا دكادر طور سبناندر

بشر

نمره
۴

[فاما من اعطی واتق فنیسره لیسری واما من یخل واستغنی ..
فنیسره لامسری] آیت کریمہ لرندن بالافتباس :

بشر بر نکتہ علیای لاهوتیہ بحالدر

بشر بر نقطہ سفای ناسوتیہ مبنادر .

بشر بر رمز سبحانیدن آلمش فیض بی غایہ

بشر بر غمز شیطانیلہ اولمش نفس بدمایہ

بشر بشرای کرمنای ایلہ روحاً مبشردر

بشر (ثم ردنا) آیتیلہ جسماً ابتردر

بشر ایسترسہ ایار هم تعالی اوج بالایہ

بشر ایسترسہ ایار هم تنزل درك سفایہ

بشر وجدانك محكومیدر تقدیرہ آیتدر

بشر شہوانك مرجومیدر تحقیرہ أوفقددر

بشر بر لوحہ تجیل وتکریم سماویدر

بشر بر دوحہ تزدیل وتزویر ومساویدر

بشر سیرتده حب ماسوی المولای قابلدر

بشر صورتده افنای وجود ایتكده قابلدر

بشر كلزار آثار الہیاندن جائی [اجنئاندر]

بشر القای احوای غرامیاندن جائی [جنایتدن]

بشر بیلم نہ دندر عقل وانصافیلہ زیرکدر

بشر بیلم نیچوندر کثرت لافیلہ زوزکدر

بشر تقوی ایلہ اعطا ایدر حقندن بولوریسری ؛

بشر امساك ایدر بخلہ کیدریسری اولور ، عمری

الہی نسخہ کبری دیدك بر ذرہ خلق ایتك

آنی ادراكدن انسانلری بیہرہ خلق ایتك

شو خوش مخلوق انسانی اساسا درك اولماز ایكن

وجود ذات سبحانی ناصل اولماز عقول افكن

تعالی اللہ تصور دن تخیلدن منزہدر .

بو یولدن کیتیمان انسان دكل حیوان کرہدر

روحی